

秦州记

右任



180.33

1233

3114 2p=.

民國第一十年八月

齋

印

記

吳永恆題



序

魏晉以來地記之書著錄者二百五十二卷梁任昉增陸澄之書八十四家梁時皆在焉自金陵瓦解江陵傾覆南北典籍盡為灰燼至隋代而僅存者五十五部目存書亡乃居泰半以地域言其屬於北方者若潘岳關中記載延洛陽記華延雋洛陽記常景後魏洛陽記裴秀冀州記盧植冀州風土記荀綽冀州記張曜中山記伏琛齊地記杜預汝南記秦州軍事任預益州記李膺益州記張瑩漢南記郭仲產秦州記仇池記隴右記南雍州記即陳錄所等斷簡零縑分見於羣書徵引而已近代學人討研目錄埒志輯佚若武威張澍所輯段國之沙州記西河舊事辛氏三秦記等陽湖洪亮吉所輯晉太康土地記南海曾釗所輯劉欣期交州記烏程嚴可均所輯吳興山墟名鄭氏湖錄殘編所輯吳均入東記董理叢殘精校增註藝林重之秦州領域在晉至廣按晉書地理志曰魏分隴右置秦州

中間暫廢泰始五年以雍州隴西五郡涼州之金城梁州之陰平合七郡置秦州鎮冀城太康三年并入雍州七年復立鎮上邽統郡六隴西南安武都縣二十四隴西郡冀武首陽臨洮狄道四縣南安郡緄道新興中陶涇平襄畧陽清水四縣武都郡下緄河池惠帝分隴西之狄道臨洮河關沮武都故道五縣陰平郡陰平廣二縣又立洮陽遂平武街始興第五真仇六縣合九縣置狄道郡屬秦州張駿又以狄道縣立武始郡江左分梁為秦寄居梁州名同而地則異矣州記之作章氏隋書經籍志考證以為梁庾仲雍作梁書作仲容考梁書庾仲容傳字仲容潁水鄢陵人太清武帝時年抄衆家地理志書二十卷行世經籍志有仲雍湘州記二卷而郭仲彥亦有湘州記仲彥事跡無考崇文總目仲產有湘州記一卷審為仲產之誤記中兩見義熙年號其為晉後人所撰無疑而後書郡國志注隋經籍志太平御覽皆作郭仲產當從衆說仲產事跡宋書無考惟見史通正史篇叙十六國史云燕太傅長史田融宋

尚書庫部郎郭仲產北中郎參軍王度追撰二石事集為鄴都記趙記等  
書又唐余知古渚宮舊事曰郭仲產為南郡王從事宅在江陵枇杷寺南  
元嘉末起齋屋以竹為柵竹遂漸生枝葉條長數尺扶疏翡翠鬱然如林  
仲產以為吉祥俄而同義宣之謀被誅焉按南郡王義宣反事在宋孝武  
孝建元年云隋經籍志郭季產有集異記似為仲產弟者往余每於乙部  
得記中遺文輒筆之於書鱗爪自燾今歲棲遲里門避紛偕隱山中聽雨  
度日如年故篋自携綴袖成文曷敢繼躅前修聊補桑邾故實耳因為志  
其屋略如右民國三十年八月馮國瑞

秦州記

宋南郡王從事郭仲產著

天水馮國瑞編輯

隴西郡隴山其上懸注當作溜於中嶺泉亭名曰萬石泉泉溢漫散而下溝澮皆注有人昇此而歌御覽

國瑞按今汧隴屬後魏時之東秦州隴山在劉宋時應屬秦州天水郡記屬隴西郡疑誤

隴山東西百八十里登山嶺東望秦川四五百里極目泯然山東人行役升此而瞻顧者莫不悲思故歌曰隴頭流水分離四下念我行役飄然曠野登高遠望涕零雙隴汧隴無蠶桑八月乃麥五月乃凍解後書郡國志漢陽郡注引國瑞按隴山在今隴縣西北御覽引周地圖記文與此條略有同異曰其山高處可三四里登山東望秦川可五百里目極泯然墟宇桑麻與雲霞一色其上有懸溜吐於山中為澄潭名曰萬石潭流溢散

下皆注於渭東人西役升此而顧莫不悲思其歌云隴頭泉水流離四下念我行役飄然曠野登高遠望涕零雙隴是此山也

隴山東西百八十里在隴州汧源縣西後書隗囂傳注

國瑞按後書隗囂傳使王元據隴坻下注云坻坂也郭仲產秦州記云云汧源舊隴州治寰宇記大震關在汧源縣西六十一里後周天和元年置今為隴山關漢武帝於此遇雷震因名

隴阪九曲不知高幾里文選四愁詩注

國瑞按張平子四愁詩三思曰我所思兮在漢陽欲往從之隴阪長應劭曰天水有大阪名曰隴阪李善引記云云說文隴天水大阪也漢書楊雄解嘲曰響若坻隤應劭曰天水有大阪曰隴坻其山堆旁著岫落作聲聞數百里故曰坻隤今山坡岫隤淫雨山洪後往往有之坻坂隴一也

秦野多蒲萄御覽九百七十二

國瑞按本草經曰蒲萄生五原隴西燉煌

隴西襄城當為武縣有牛山是出當歸御覽六

國瑞按襄武故城在今隴西縣西南漢置縣屬隴西郡後漢末移郡治此唐為渭州治寶應後末於吐蕃縣廢府志襄武故城在今縣東五里嘉慶統志隴西瓜牛山在寧遠縣西南二十里高五百餘丈上有日月空日月未出其光先照范子計然曰當歸出隴西無枯者善本草經曰當歸生隴西

隴西襄武縣出黃耆御覽八

國瑞按梁書鄧至國天監五年舒彭遣使獻黃耆四百斤

乞佛虜乾歸未移枹罕金城見鼠有數萬頭將諸小鼠各銜馬屎羣移而度兆麓二水悉上枹罕自是二年而乾歸徙馬御覽九百十一

國瑞按麗水即灘水在河州劉宋時枹罕屬隴西郡

枹罕原北有鳳林川川中有黃河水東流水經注河水二

國瑞按晉書地理志隴西郡有狄道縣隋地志以狄道縣屬金城郡枹罕事故屬隴西郡中文也枹罕原十三州志在枹罕縣西北罕开在焉昔慕容吐谷渾自燕歷陰山西馳而創居於此州志一名廣大原在州北二里今俗稱北原四望寬平居民稠密東西八十里南北四十里又名萬頃原其上有重臺原原北有鳳林川水經注河水東歷鳳林北鳳林山名也五巒俱峙者彦云昔有鳳飛遊五峯故山有斯目隋地志枹罕縣有鳳林山元和志在州北三十五里

枹罕有河夾岸岸廣四十丈義熙中乞佛於此河上作飛橋橋高五十丈三年乃就水經注

國瑞按嘉慶統志河州有摺橋在州東十里兩岸禹鑿石蹟尚存又

洮湖橋在州東三十里相傳上古時州境皆湖禹疏鑿之導水入河  
因名又大夏橋在州南三里凡五十六空伏佛所造不知孰是

河峽崖傍有二窟一曰唐述高四十丈西二里有時亮窟高百丈廣二十  
丈深三十丈藏古書五筭亮南安人也水經注

國瑞按積石山在河州西北接西寧界亦曰小積石山本古唐述山  
也水經注黃河北有層山山甚靈秀山峯之上立石數百丈亭亭傑  
豎競秀爭高其下層巖峭壁岸無階中多石室室中若有積卷而  
世士罕有津逮者因謂之積書巖巖堂之內每見神人往還俗人不  
悟其仙乃謂之神鬼彼羌曰唐述因名為唐述山指其堂密之  
居為唐述窟崖下有水南注河謂之唐述水括地志小積石山在枹  
罕縣西北七十里元和志枹罕縣積石山一名唐述山今名小積石  
山而又有說焉御覽引州圖經曰唐述窟在郡之龍文谷彼人亦罕

三

有至者其窟內有物若似今書卷因謂之精藏內時有神人往還  
蓋古仙所居耳羌胡懼而莫敢近又謂鬼為唐述故指此為唐述窟  
又曰河崖傍有二窟一曰唐術窟深四十餘丈高四十餘丈中有三  
佛寺流泉浴池鑿石作文六像三百餘區其西二里則曰時亮窟高  
百丈廣二十丈深三十丈亦有泉水藏書五卷唐術時亮皆古之孝  
行士也唐人法苑珠林卷五十二載晉初河州唐述谷寺者在今河  
州西北五十里度風林津登長夷嶺南望名山積石即禹貢導河之  
極地也眾峯競出各有異勢或如寶塔或如層樓互相映巖丹青飾  
岫自非造物神功何因綺麗若此南行二十里得其谷為鑿山構室  
接梁通水遠寺華果蔬菜充滿今有僧住南有石門墮於河上鐫石  
文曰晉太始年之所立也寺東谷中有一天寺窮討處所略無定止  
常聞鐘聲又有異僧故號此谷名為唐述羌士鬼也所以古今諸人

入唐述者每逢仙聖行住恍惚現寺現僧東北嶺上出於醴泉甜而  
且白服者不夫杜甫秦州詩第二十藏書閣禹穴讀說憶仇池即指  
此古佚叢書有遊仙窟一卷紀奉使河源於神化窟過崔十娘事前  
題唐寧州襄樂縣尉張文成作日本人因定為振鷺百撰唐書稱鷺  
僅蕩無檢罕為正人所遇屬文浮豔少理致其論著率試誦無猥以  
證此書殆可信也又謂鷺早慧絕倫凡八應舉皆登甲科有青錢學  
士之譽所作大行於時晚進莫不傳記新羅日本東夷諸蕃每遣使  
入朝必出重金購其文其為遐邇推重如此雖以浮豔無猥未能久  
傳於各國而影響於日本文學則甚鉅遊仙窟記載殆由唐述時亮  
依託而未其卷首有云若夫積石山者在乎金城西南河所經也書  
云導河積石至於龍門即此山是也僕從沂隴奉使河源嗟運命之  
迍邐歎鄉關之杳邈張騫古迹十萬里之波濤伯禹遺踪二千年之

坂澄深谷帶地鑿穿崖岬之形高嶺橫天刀削崗巒之勢煙霞子細  
泉石分明實天上之靈竒乃人間之妙絕目所不見耳所不聞日晚  
途遙馬疲人之行至一兩險峻非常向上則有青壁萬尋直下則有  
碧潭千仞古老相傳云此是神仙窟也人跡罕及鳥路繞通如有香  
果瓊枝天衣錫鉢自然浮出不知從何而至云云嗣述過十娘事雜  
以詩歌浮豔少理顧亦唐代積石間之一異聞耳

以上隴西郡

中平靈帝五年分置南安郡後漢書郡國志

國瑞樓漢置源道縣在今隴西縣東北渭水上本屬天水郡後漢屬  
漢陽郡靈帝中平五年分置南安郡十六國春秋咸康元年張駿分  
南安郡屬河州西郡乞伏國仁建義二年南安祕宜降拜為東秦州  
刺史熾磐建宏七年赫連昌遣其弟韋武攻南安拔之宋史州郡志

魏書地形志皆作桓道隋書地理志隴西郡統隴西縣舊曰內陶置  
南安郡開皇初郡廢改曰武陽縣八年又改為隴西  
以上南安郡

天水郡治上邽城前有湖水冬夏中停無增減天水取名由此湖也

漢書地理志天水郡師古注引秦州地記  
又御覽二十

國瑞按天水郡治上邽原係一地元和志上邽後魏避道武帝諱改  
曰上邽廢縣為鎮隋大業元年復為上邽縣唐書地理志秦州本治  
上邽開元二十二年以地震徙治成紀靈宇紀上邽縣唐天寶末陷入吐蕃大中  
初收復為鎮舊志天水古郡在州東南一里秦時古城也今州城即  
唐天寶中所築雄武城水經注上邽縣舊天水郡治五城相接北城  
中有湖水有白龍出是湖風雨隨之故漢武帝元鼎三年改為天水

郡其鄉民悉以板蓋屋詩所謂西戎板屋也是天水得名以此考古  
郡城東垣故基在今縣城東一里五城相接規制彷彿仍昔其云北  
城中湖水疑道元之誤今城西南隅有湖水嚴冬不涸唐宋以來稱  
南湖有南湖寺湖水衍流與潯水合而入渭俗稱官泉記云上邽城  
前有湖水當即指此而又有說者嘉慶統志上邽故城在州西南山  
川載天水湖在州西南七里並引秦州記水經注二說此湖在今縣  
城西南五里許清冽與南湖無異俗稱天井井或即郡之音轉有寺  
曰靈源宋建有小市亦稱天井天水得名不出因此三湖之故

成紀縣有石臼中水深數尺水旱無增減故名因此為天水郡

御覽二十四

國瑞按石臼中水深數尺似仍指南湖而成紀故城在秦安北縣漢  
置後魏省元和志縣東南至秦州百里本漢舊縣周復置屬略陽郡  
隋開皇三年屬秦州舊唐書地理志成紀縣舊治小坑川仲產所記

自係指舊治小坑川言開元二十二年移秦州治敬親川成紀亦徙新城地理通釋城在今縣北三十里宋時移成紀之名於上邽故縣遂廢

上邽縣北有利山川中平地有土堆高五丈生細竹翠茂殊常二楊樹大數十圍百姓祀之後漢書漢陽郡注

國瑞按利山當為邽山之誤水經注渭水東歷上邽縣北邽山之陰通志邽山今謂之卦山在州西北三十里即伏羲畫卦處今名畫卦臺山中斷忽突出小山上有羲皇廟北為龍馬山渭水流經其下中有石屹然名分心石又有邽山在清水縣東南三十里乃隴山之支麓也民俗祀樹乞靈往往有之

天水縣界有水一派北流入長道縣界杜詩注國瑞按縣在今縣西南八十里曰天水鎮方輿勝覽天水縣石晉時

徙治赤沙川即今治也紹興中金隴秦州分畫南北界而天水縣猶存撥隸成州後金犯天水徙治米谷砦又徙榆林又徙興平州又以秦州之太平社隴城之東柯社來屬及和議成復歸於天水宣撫使安內乞朔為軍仍置天水縣為治元初廢入成州通志天水廢縣在州西南七十里又天水軍城在州西南九十里長道故縣在今禮縣東南鞏昌府志漾水自嶠冢南流經西和縣至禮縣東南名長道河又南至階州界名犀牛江至成縣界名鐔家河又東至徽縣界匯於嘉陵江北流泉指漾水言仇氏所據秦州記如此又引記云一派北流是清渠傳注一邑也後說意本須溪

武都郡有湖義熙初有白龍於湖升天

御覽三十一

國瑞按方輿勝覽武都郡西百里下有飛龍峽以氐楊飛龍所據而名其東乃杜甫天寶避亂居此有龍灣虎穴甫詩云停驂龍潭雲回

頭虎崖石又寄贊上人云徘徊虎穴上面勢龍涎頭即指其地而勝覽又載萬丈潭在同谷縣東南七里俗傳有龍自潭飛出在今成縣境通志又有黃龍潭在縣西二十里其深莫測有東漢武都太守李翕摩崖又鳳凰潭一名萬丈潭蓋兩山危立其下泓澄萬丈

仇池山一名仇維山上有山似覆壺前志云縣以山得名

御覽十三

國瑞按仇池故縣在今成縣西仇池山宋書氏胡傳漢末隴右豪族楊騰子駒居仇池地方百頃因以百頃為號四面斗絕高平地方二十餘里至晉太元中楊定求割天水之西縣武都之上祿為仇池郡齊書氏楊氏與符氏同出略陽漢世氏居仇池地號百頃建安中有百頃氏王是也又氏於其上平地立宮室果園倉庫無貴賤皆為板屋土牆所治處曰洛谷魏書地形志洛谷城太平真君七年置仇池鎮太和十二年為梁州正始初置南秦州仇池記

御覽四百二十四

城東有苜蓿

七

國園中有三水確隋書地理志西魏曰成州大業初改置漢陽郡治上祿通志在西和縣南百里舊志洛谷城在縣西八十里

仇池山本名仇維山形似覆壺上廣百頃下周數十里高二十餘里壁立千仞自然樓櫓卻敵分置均調竦起數丈有如人力也

御覽四十四

國瑞按山在今成縣西一名瞿堆又名百頃山廣韻十四清成下注云成州名古西戎地州南八十里有仇池山晉改為仇池郡後為南秦州梁廢帝改為成州辛氏三秦記曰仇池山上有百頃地平如砥其南北有山路東西絕壁百仞上有數萬家一人守道萬夫莫向山勢自然有樓櫓却敵之狀東西二門盤道可七里上有岡阜泉源史記謂秦得百二之固也西晉末為氏楊茂搜所據於山上立宮室園倉皆為板屋乃氏之所理於此今謂之洛谷道是也仇池記

御覽上

有池百頃天形四方壁立千仞自然有樓櫓却敵分置調均竦起數

丈有逾人功凡二十一道可攀緣而上東西二門盤道上下凡七里  
上有岡阜低昂泉源交灌宋書氏胡傳仇池地方百頃四面斗絕高  
平方二十餘里羊腸盤道三十六回上豐水泉煮土成鹽齊書氏於  
其上平地立宮室果園倉庫無貴賤皆為板屋土牆所治處名洛谷  
水經注仇池絕壁峭峙孤險雲高望之形若覆壺其高二十餘里羊  
腸盤道三十六回上有平田百頃煮土成鹽因以百頃為號山上豐  
水泉所謂清泉湧沸潤氣上流者也開山圖謂之仇夷所謂積石嵯  
峨巖峯隱阿者也左右悉白馬氏矣隋書地理志上祿縣有百頃堆  
元和志在上祿縣南八十里上有數萬家一人守道萬夫莫向其地  
良沃楊氏故累世據焉通典氏者西戎之別種則在廣漢西君長數  
十而白馬最大或號青氏或號白氏或稱蚺氏此蓋中國人即其服  
色而名之也土地險阻有麻銅漆蜜椒蠟等勇戇抵冒貪貨死利居

於河仇一名仇池方百頃四面斗絕數為邊寇郡縣討之則依固自  
守其俗語不與中國及羌胡同各自有姓如中國之姓其服尚青俗  
能織布善田種畜羊豕馬牛婚姻六禮知書疏多知中國之語言與  
中國之姓其服尚青杜甫秦州雜詩第十三萬古仇池穴潛通小有  
天神魚人不見福地語真傳近接西南境長懷十九泉何時一茅屋  
送老白雲邊成縣志仇池山上有田百頃泉九十九眼杜詩註世傳  
仇池穴出神魚食之者仙通志仇池山出仇池石宋蘇軾所藏以為  
希代之寶仇池記御覽石膽川平池出石膽

武都紫水有泥其色亦紫而粘貢之用封璽書故詔書有紫泥之美

御覽二十四

國瑞按隴右記引與此條同元和志武都有紫水其泥亦紫漢朝封  
璽書用紫泥即此水之泥也舊志紫水河在州東八十里源發迭石  
北南注白龍江凡八十里嘉慶統志紫泥山在州東六十里舊屬福

津縣地其下即為紫水河又州南三十里有露骨山峯巒森列南有萬象洞洞中泥可為硯洞深遽莫測鐘乳澄泥秉炬探幽異狀奇觀隨念成形搏泥成物出洞即為堅石亦一異也今武都東鄉六十里三河口亦產紫泥在寺後古井中汲取不易土人秘守之相傳可作印泥用色甚美

以上武都郡

古有神婦負土歌塞谷絕墜負柙木因成二樹其大數圍御覽十九金城郡漢昭帝元始六年所置應劭曰初築城得金故曰金城凡城皆稱金言其固也故墨子稱金城湯池御覽二十

國瑞按金城故城在今臯蘭縣西南東晉時金城郡治咸康元年張駿分郡屬河州故因以引列記中然或為隴右記中佚文

褒谷西有古陽平關文選與魏文帝書注

國瑞按今陽平關在寧羌西北一百里關城東西徑二里南倚雞公山北倚嘉陵江古陽平關即白馬城在沔縣界即褒谷西者也章懷引為記文姑存之



秦州記

全一冊

編輯兼隴南叢書編印  
發行者天水縣志局

校對者 鄭彬 變

中華民國三十三年十二月初版



# 古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室